

偽齋錄

下

漢書門	九〇四六
類	二九
號	一〇
函	一
架	二
冊	

內閣文庫	九〇四六
漢書	二九
類	一〇
號	一
函	二
架	
冊	

內閣文庫	
番號	漢 9046
冊數	2 (2)
函號	290 46







偽齊錄下

金虜廢劉豫詔

淺草文庫

成平故自濁河之南割為隣壤之界灼見先帝舉合大
 公罪則過征固不貪其土地從而變置庶共撫其生靈
 建爾一邦迨今八稔尚勤吾戍安用國為寧負而君無
 滋民惠已降帝號列膺王封咎有所歸餘皆罔治將大
 草於弊政用一陶于新風勿謂奪蹊田之牛其罰則甚

不能為托子之友非弃而何凡爾臣民當體至意所有
其餘便宜事件已委所司畫一下元帥府去訖外處分
不盡之事就亦便計議從長施行仍布告逐處咸使知
聞故茲詔示想宜知悉
天會十五年十一月

金虜廢偽齊旨揮

尚書省上件奏自趙係太上皇帝失道興兵討伐廢滅
社稷舉族北遷後元帥府申到指以大河為界外別悍



賢人使為民主施此厚惠庶其知報協力兩獲安便早
致承平以此准申建立張楚無何旋為彼人所廢王師
再舉無往不克後來帥府復申前議再立劉豫建號大
齊置國之初恐其不能自保故于隨路分駐兵馬至今
八年載念上國大事已勞遠戍兼齊國有違元議荆之
軍須比年以來益漸減損遂致艱窘多有逃下隨路百
姓亦有不得息肩輿之征討則見力不齊為之拊循則
輿疑輿民非我有兄事多誤終無所成况齊人假我國家之力

輿疑輿

綏

積有歲年事悉從心尚不能安民保國論其德不足以
 感人言其威不足以服眾是有乖從初康濟生靈免其
 荼毒使天下早致隆平之意反使庶民困苦兩國耗良
 相度從初所申寔為過舉既知其非豈可不行改置若
 混同四海之內聖德廣運睿澤旁被霜露所沾孰不歸
 附今臣等議欲定一民心變廢齊國下惟亡宋疆土凡
 普天之下盡屬撫綏是為長便奏訖奉
 聖旨齊國建立于今八年道德不臨室家不保有失從

乞

初兩獲安便之意豈可坐視生民久被困苦宜依所奉
 施行委所司速為措置所有其餘隨擬事件仍別商量
 行下右奉 聖上在前及商量到隨擬事件開列于後
 今下元帥府可照驗前項 聖旨并處分事意不得有
 令士庶軍吏別置驚擾早賜安措從長施行須議指揮
 一廢齊國尚書省設置行臺尚書省
 一齊國自來創立重法一切削去並依律令施行
 一知得齊國差使繁重並委從宜酌量減免

一應食糧軍人有欲歸農及情愿當役使並從自意
 摠存留人數各依散隨州軍依舊文納給衣糧內
 有從合設置粟生一切仍舊其餘殘疾人等雖是
 難任軍役於其無歸並依分付舊來養老處酌
 量振濟勿令別至凍餓

若

一廢齊以前離背即主被虜逃走人等苦見在本鄉
 并兵親眷團聚之人其即主更不許識認或有背
 夫逃走夫婦人唯上施行只摠元將引去兒女却

行分付與父外有舊北來奴婢并安不在此限

一齊國舊有官人除劉豫欲行存留外其餘並聽自

願出嫁或兵親眷團聚若是無所歸投分付官觀

養濟

一內侍人等除商留合令看守官禁人外並聽自願

隨處住坐

一見任大小職官普隨路狎軍人員各不得侵奪民

利

一自來齊國非理廢罷大小職官並與改正叙用或有懷才抱德隱居山谷之人亦仰所在官司以禮徵召量才任用更或內有才德絕倫者聞坐姓名申覆以憑陞擢

一古今聖賢墳墓祠廟不得亂有損壞

一自來逃乞在江南人等不問是何名自若是却來歸投並免本罪仍加存恤

右下齊尚書省可照驗即日尚書省所奉到 聖旨上

件施行據劉豫已削去帝號降封蜀王并設置訖行臺尚書省各有所奉 詔書別行降下外照到降封宣旨昨以建立齊國本圖靖難奈何不當天心至今未獲休息其害于百姓不若負其一身致有今來變廢仰指揮到日疾速徧行曉諭官吏軍民僧道耆壽人等仍于坊巷村寨多行粉壁告示咸使體悉 聖恩普洽之意及思多歲不獲寧居政望太平各安職業無或敢有二心兼會到當日齊國本非自立凡官司所有勾當無非

本國公事其大小職官輒勿誤省會妄生驚疑仍仰自
今以後更切用心拊循百姓以保祿位各懷忠信仰順
天意用答宸衷亦當遵守宣旨厚加撫恤若是却有執
迷不從天道聽用浮言必當自昭刑戮仍仰至日立便
改正廢齊阜昌年號為天會十五年應州府縣鎮大小
官員並勒依舊勾當所有見今禁勘諸公事并續有詞
訟及係錢帛諸物文帳並依前來體例如法理納收貯
不得其間却有在滯隱漏別致違礙錯失仰准此

天會十五年十一月 日

太子太保右都監開國公

武平軍節度使左都監

右御上將軍

右金吾衛上將軍左監軍

皇叔右副元帥潘王

右副元帥魯國公

都元帥

金虜廢齊後差除

一張孝純銀青光祿大夫太子太傅開國公權行臺尚

書左丞相

一契丹蕭保壽奴行臺右丞相

一女真溫敦師中行臺左丞相

一燕人張通古行臺右丞相

一契丹蕭陳哥太師戶部侍郎

一燕人張鈞禮部侍郎

一燕人王翬左司郎中

一燕人左瀛禮部侍郎

一契丹耶律孝忠吏部侍郎

一契丹蕭融刑部郎中

一杜克子杜宗兵部郎中

一被虜宗室趙子滌汴京總判

一張叔夜子張仲熊光祿寺丞

一偽齊右丞相張昂知益州

一偽齊右丞范恭知淄州

一偽齊右丞李鄴知代州

一偽齊戶部侍郎馮長寧戶部尚書

一偽齊吏部禮部侍郎鄭億年吏部尚書

一偽齊戶部員外郎韓元英許州節度副使

一女真完顏胡沙虎汴京留守

一燕人蕭長壽奴汴京副留守

一燕人劉陶汴京同知留守

一契丹韓魯為都城巡警使

一偽齊司農寺丞周廷樞同知副留守

一偽齊河南監酒李儔汴京同知副留守

一李成殿前太尉兼知許州

一柏可求依舊麟府路安撫使

一孔彥舟步軍都指揮使兼東平府

一張中孚初廢陞授以節制五路兵馬今依舊涇魚安

撫使

一 張中彥依舊秦鳳路安撫使

一 趙彬依舊環慶路安撫使

一 慕容階依舊熙河路安撫使

一 閔師古召到京依舊知西京

一 王彥克知亳州

一 李世輔蔡州同知

一 趙榮依舊知宿州

一 李師雄馬步軍都虞候

一 王世忠馬步軍都虞候

一 靳賚相州同知

一 趙買臣依舊南京副總管

一 劉光時召到京依舊北京總管

一 鄒瓊依舊知拱州

一 徐文汴京總管府水軍都統制

一 偽齊殿前太尉許青臣懷州同知

一 偽齊南路留守翟淪滄州節度副使

劉豫進封曹王冊

門下嚴寶冊以進鴻名既俯從于衆欲布恩書以敷惠
澤宜大漁于群主眷予異姓之王夙有同寅之德肆班
明命享告治朝蜀王劉豫敦大而直方高明而寬厚早
居南服以直言強諫聞于時頃在東州以知畧莫安長
于衆八年享國一節事君審運會之有終識廢興之大
義視去位如脫履以還朝苦登仙向之富國以強兵何
霸王之足道今也樂天而知命豈得喪之能移爰因慶

緣

賞之行益永褒封之異胙以陶邱之壤易其并給之封
於戲烈士以建侯邦誓已堅于砥礪蓋忠以藩帝室心
宜炳若丹青茂對寵光永綏福祿可進封曹王食邑一
萬戶寶封一千戶仍令有司擇日備禮冊命王者施行
劉豫謝進封曹王表

粗

札成大冊澤霈普天特列進其封階不遐遺于舊物望
闕拜命闔門知恩云伏念臣昔仕宋劉祖歷要官昧
方枘圓鑿之理竭徒薪曲突之忠項氏將之一范增而

不用周家既勝以箕子之來歸試有檄能爰升大位辭
不獲已報當若何承積年殘毀有餘凡百事艱難極甚
闕冠賊以置朝市披荆棘而耕桑應機投隙以傾捏
敵鋒損已使人以招集散徒忘食忘食必躬必親培廣
業以惟勤庶大恩之不站俄知廢罷之義愈堅措盡之
心要先時成績於斯邦觀後日受知於上國至聞混一
之意不待再三之言即隨使人往受宣命盡所祇備復
何遲疑八年辛苦以經營兩手歡忻而分付帝號若釋

站粒站

剛

重負王爵九感洪恩自得清州而北來未嘗徘徊而南
望久安僻地忽被改封洎捧讀于訓詞若躬聽于御語
溫其如玉煖然似春星斗輝麗窈然之天道典謨渾
渾頭大哉之王言微軫爨下之焦桐青黃溝中之斷木
先生懸罄之室榮張設羅之門北盖伏過皇帝陛下
德奉三無仁均九有敬識百辟之享獨觀萬化之原有
功而必見知無棄而常善教遂令窮悍得與褒嘉臣敢
不守靜致虛安時處順何以効涓埃之報惟不為名器

北於此過粒過

之羞臣無任云云

偽齊狀之離誘上南征議

臣聞皇天厭亂所以用聖人也故必有不世出之英雄
膺時撥亂以新寰海以息兆民陛下以積累之資出逢
否運應天順人肇臨大寶網羅英俊以備天官其所以
開基創業者至矣然未能混一區夏定宗廟萬世之策
臣猶為陛下不取也比復覽 聖詔旁求草澤求所以
南征之議大抵皆碌碌之士詞章泛濫不能盡當世之

敗

務無以副明詔臣今為陛下妄言之臣嘗觀高祖起于
匹夫劍斷白蛇旗標赤幟獵賊繒屠狗之輩率瘡痍之
命之夫兵不踰數萬西破武關擊猛秦降王子嬰以定
關中暨徙封南鄭銳意東向復與項籍爭鋒巨細百戰
使籍馬不停足卒斬東城五載而成帝業以臣觀其所
以興者不過于高明果斷急擊勿失所以收成功向使
高祖隱忍遲發將且為敗虜矣尚何敢望天下哉况陛
下據全齊之地挾猛獲之師豪傑之士雲屯霧集與劉

季君臣相去萬八而趙氏兵窮力促國勢顛蹙則又非
猛秦項籍之可比此天亡之秋所以假手于陛下若不
因機而取是乃養虎遺患將使能殖矣今陛下特隱忍
不發者無乃惑于四議乎臣願為陛下決之其一則曰
方以卑辭通舊主告以大金敦迫不得已之意陰結猛
援速求剪伐成即為君敗則不失為忠臣觀其猛弱坐坐
而獲福真三王之舉也臣切薄之此雖三尺童子猶不
可欺况彼為人主者哉陛下独不畏邦昌之禍乎以此

即当也即

坐

而奉符璽退而復辟猶且為齏粉况又有甚焉者哉至
今天下猶有為邦昌而借者独臣以為匹夫宜其殺身
且成敗在决斷矣其退避不若不為陛下果欲從此議
以通舊主則邦昌之禍及矣非陛下不能也患不改爾
夫圖王不成其敗猶霸此可决者一也其二曰彼有强
敵難厭食之賂加以冗兵坐食之費俟其去荒兵老財
匱然後可擊此又不然夫於越以蛮狄之資困于會稽
及行成于吳金玉子女所以為賂者不可勝計然終以

滅吳况宋之所保猶不下百郡西有三川之饒南有二
廣之富增摘山之筭倚煮海之利其以賂大金者不過
歲時聘問講禮之幣而已休兵養士惟思所以報齊若
不乘契而擊待其羽翮之成提兵北顧則我齊一敗塗
地間不容髮夫天之不取必有後殃此可決者二也其
三則曰陛下所以王山東者以其間得民心也若貪而
從軍定失民望以臣觀之是不通時變腐儒之說也夫
趙氏奄有神畀壅二百年其于生靈德至渥也一旦猶

且亡之况大齊姑息之恩哉且民心日夜望故主之來
所賴大金威惠固無異心使彼初聞稍行將不我援則
豪傑四起不待趙氏之兵而齊已誅矣且民何恤哉而
金國之師所乞者再四蓋亦可慮也今幸許師既無物
以備勞其來而又不為之位則誰與盡心哉使萬一無
敗可也或有不虞則我齊何以為計當因金國之師貪
十州之民劫以征行使見其故至凌虐之甚堅心大齊
不敢忘發及使趙民不能利退其兵而齊終得取天下

至疑主

忘於吾民也

此可決者三也其四則曰陛下親臨戎事因事執委而
 元子以儲嗣之重亦不宜輕動臣請論之昔唐高祖龍
 飛太原開建國社皆太宗仗義而動問罷庸主躬親戎
 馬平一天下陛下縱未能親臨則莫若以元子行太宗
 故事躬率其師與民除亂使萬世之後尊陛下為齊高
 祖而元子為太宗如或不然則陛下傳之後而大臣
 皆宋之舊臣誰肯竭力以輔少主宜遣元子親行成此
 戡定之功以結民心以罪大臣庶幾得以我齊永祚傳

罪

于無窮此可決者四也四議既決而臣復有六擊之便
 今備陳之且兩淮之廣膏腴千里定六朝控扼之地所
 以表護江浙而不可失者也而又金陵之鎮古之重地
 前有長江之險環以太山之固得人以守之則雖窮年
 皓首而不可拔彼圖退保吳越畧無意于此殊不知兩
 淮失金陵危吳越不可保矣此天所以遺陛下臣知其
 亡能為也若遣兵據兩淮振威淙泗搖蕩江陵縱不能
 全圖則山東為內地陛下可安矣此地利失其守可擊

閣事任閣

者一也且國步多艱必圖賢相以輔庶幾救隕越而趙
氏自播遷之後鉅公碩德隨以磨滅而所與謀事者不
過六七輩呂頤浩橫義征直失大臣風蕙有私門之僻
雖有政事皆為利所移朱勝非雖老臣然守法其位怯具
于圖大事秦檜知小謀大翟汝文才有餘而量不足趙
鼎雖大器然孤立在外進不容于朝至于范宗尹口尚
乳臭驟然登庸言不顧行驕自貴起又無足道者是數
子輩皆閹茸士非宰相才也况復互為朋黨以相訛詆

博

此入而彼出席不暇暖視政府如傳舍一旦有倉卒之
憂其君博博于上百官泛泛于下無有任其責者此宰
相非其人可擊者二也且國家危亂注意在賢將彼用
者第皆庸瑣劉光世雖持重而偏裨不良韓世忠有京
西汜上之役不可以言勇至于張俊尸祿素食坐與卒與
伍爭利徒能糜費太倉米是三子者曾無毫髮功僥冒
主知起身行伍致位兩府之列挾不賞之疑懷藏功之
忌金珠子女玩嗜滿前驕奢淫佚以奪其志而又各以

帥先於師先

權勢相尚互誘軍士結怨連隙未始以和欲其帥先不
甚轄哉此將驕而不和可擊者三也夫兵者國之爪牙
弗戢將自焚彼自敗績之後士卒殆盡不通降烏合之
衆招餓悴之夫患生于驕縱罔所不至治之急則有合
從之謀緩則生自橫之氣間有遺事則各以妻稚為念
徬徨自傷覬覦重賞而後行飢奮一飽背擊者至此兵
縱而不戢可擊者四也詩曰大邦維翰又曰宗子維城
而太子者亦天下之大本也彼以閹弱之資孤立在上

人

既無宗室屏翰之固又失儲位嗣續之先閹寺竊權勢
傾朝野豈不殆哉設有軍事孰與之謀此主孤而內危
可擊者五也夫用兵之道財用為先彼自擊兵以來藏
無信宿之錢倉無間日之粟兩浙之間賦歛橫出官吏
生姦民又怨望諸軍僥求之心猶且不已稍有警急不
七何待此兵窮而財匱可擊者六也且我無四議之惑
彼有六擊之便是乃萬全之師取天下如反掌伏願陛下
下斷自聖衷確然不回早從臣議則天下幸甚臣謹上

衷

興疑樂
寧

遣

議 詔曰勅奉議郎羅誘朕自來時創業定賴其人當
中求賢孰為賢者皇天助順錫我忠良卿克堅北面之
心首建南征之議碩謀遠畧灼見敵情興論愈從皆所
毗倚賜御絹一百疋日下乘傳赴闕以俟登庸朕當親
勒六單式圖厥事果獲戡定樂兵御兵之秋涼卿此好
不遣書指不多及

偽齊宰相張孝純上大宋書

偽齊左僕射臣張孝純謹遣門人冒斧鉞露肝膽百拜

上書起居于

大宋皇帝陛下臣自念父祖相繼皆登膺任一門萬石
寵祿至厚承事國家八十餘年臣不幸天與其旤未能
盡節以盡臣子之心背德違義覆載不容然思屈其身
聽命北面一亂豈臣所欲為也臣自太原失守殺而後
降臣非不知一死全節義之名然無益于國死亦奚為
故臣亦隱忍受辱于今十年早夜嘿思為宗廟社稷
者惟恐不至設使臣志未及遂謀未及成令名不終萬

志

世之下不過以臣為逆則國家無損萬一上天鑒誠陰
 相其事得臣忠遂謀成誅偽命扶顛國致陛下于中興
 還兩宮于萬里則豈于國家有不利故臣于一時死即
 有所不卹者蓋為此身况臣處其政他致力匪艱所患
 二三舊人見利忘義背我深誼養之恩堅偽齊叛逆之
 志論議之際卒成矛盾殊不能切其謀使臣鬱于末
 能成事不敢通議于陛下以雪其區區之忠有進士
 薛昂者因詣金國上書執歸偽齊復以醜言訐劉豫大

地疑他

干

際今繫頸以組大臣同詣闕下臣子之義雖死猶生或
 得以全其宗族若夫緩一時之誅忘終身之患地日受
 禽兵妻子輩磔身東市悔無所及劉豫欲殺之以臣故
 得免召致門下者二年終不于其祿臣方知可與國事
 以托腹心之謀比者劉豫為大不道復有詭變將以傾
 陛下社稷事屬危切不可不聞臣謹取其尤可畏者畫
 十事以成書使間行闕下速為進獻其如後
 一臣竊見偽齊侍御使盧載揚上議陳結南夷擾川廣

具

之策大畧謂陛下播遷假息吳越西失關陝之重
 兵東絕齊魯之劇賦荆湖屯大寇江浙防勁敵固已
 顛沛矣然而川廣交通寶貨雜運有金銀木馬之貢
 香礬錦繒之利資其雄富來易隕越為今之計莫若
 狀其利害表于金國大興海舶各遣一介之徒陳卑
 請之辭南通文趾結連溪洞及諸酋長講智高之舊
 憤約二廣以分主侵掠其地而障三山俾財不入于
 二浙將窮窘所迫雖不加討亦將魚爛而亡矣臣讀

還
 來當作未

之甚豫因該此義劉豫以謂不戰而屈人兵出于上
 策乃捉今年九月初四日遣齊州偽通判傅維允及
 募進士宋國等五十餘人并金人遣到毛都二十餘
 人具海船一十隻自登州乳山口汎海前去結連谿
 洞及諸蠻酋長及金人賞偽命廣王丹先入文趾事
 屬不測伏願陛下察臣肝膽連遣重臣鎮撫二廣
 懷德溪洞通情文趾覺察奸虞臣不勝至願
 一臣見偽狀元羅誘所上南征議封事決偽齊四議之

惑陳我宋大擊之便劉豫喜其策俾臣施行詔羅誘
 為行軍謀主以劉麟行唐太宗典義兵故事貪滿青淄
 曹濮登眾雜密徐汴等十州軍民計一十五萬五千
 及遣諸金因乞援師意欲吞據兩淮窺伺金陵所有
 羅誘係海州人深知兩淮金陵險阻地利其科敵機
 密等事悉載所陳南征議封事臣以道路險阻恐致
 泄露不敢為綴奏亦令所遣門人默通畢諸行關備
 錄聞上乞賜宣索下字臣審據其利害速加備禦

詰

詰

諸疑詰

一臣切見偽齊自四月五月七月三次經金國乞師金
 人以為陛下遣使通和未宜起兵劉豫用羅誘謀
 以謂大金恐失宋賂故不發兵因陳立淮王安東
 北之謀遣偽枉密盧偉卿諸大金議其事以誘其兵
 大畧言陛下自大梁五遷皆失其土若假兵五萬
 下兩淮南逐五百里則吳越又將奔而失之貨財子
 女不求而得然後擇金國賢王或有德者依立齊王
 故事立為淮王王盱眙以保齊之師援淮南則山東

昭

冀

唇齒之勢或成晏然無南顧之憂兩可又可知也翼
青之地自古賦稱上上耕桑以時富勢可待宋之
微賂又何足以較其得失金人以利動其心不知其
調卒以渤海漢兒等輩五萬兵之巨觀賦臣間謀和
好良息未嘗忘國家之心未知國家何以為計精兵
不過五萬其餘皆所食淄青等軍民無益于戰陛下
下肅政神武堅志待敵慎勿退保底幾兩淮不失賊
臣不得遂志使金人失望知劉豫之誦則禍必及身

賊

誦疑詔

矣所有行軍事勢志其于次
其于疑倒

盱眙

一臣切見真金因太子議起兵事欲于十月興師取順
昌入廬州渡淮徑犯和州以通金陵餘軍都制置李
成以謂所食軍民皆出京東輸輓糧餉大段隔越又
慮大宋軍馬自遠漢上襲我之背截其輜重誠為
未便宜取汴汴直犯泗州渡淮以大軍控盱眙據其
要津使其出入分兵取滁和揚三州大治舟楫西取
來石宣化渡以攻金陵東取瓜州以鎮江拔其城以

軍大掠杭越令京東糧餉取淮陽宿遷臨淮往達泗
州仍遣兵東下劫糧海麓度全軍大利劉豫以李成
素所經歷今從其計又謂李成得兩淮民心矯以金
人欲令王淮之意以使之而李成亦有覬覦之心茲
蓋陛下不可不防也及行軍謀至羅誘上議以謂
入人之重地無必克之功若不利則我軍必還彼必
襲我鮮有不致敗宜擇精兵進則遮其前退則殿其
後亦可遣使一面和議息其軍心得其勢則竭力以

攻之不得其勢則以和而退必不我追回軍有名士
氣不墜者幾萬全劉豫亦從之更願防議和之說詐
堅討賊之誠心益振軍威取平凶黨臣不勝欣快之
至

一臣切見金人所用心腹之臣內外有婁宿孛莖以握
兵權而潛篡逆之謀猛專征之志內外相疑各成用
黨而王芮王則與諸內職耆官相附圍辣龍虎與諸
統軍太子相附而劉豫但結好于內而取患于外殊

不知所以援已者也故三次乞師不許皆內外不相
謀也自今年八月內李莖盡率京西許顯等州援齊
之師兵圍辣合軍約二十餘萬前去分據關陝自來
并力攻擊川陝蓋亦不援劉豫也京西諸州並無賊
馬劉豫患之急遣人詣金因乞少留李莖屯兵駐河
南等州免致漢上帶軍馬侵襲金人令量行存留
李莖稱軍衆已行事成難以更改行下偽齊照會劉
豫益懼遂用羅誘謀遣使命大軍乞到太魚太子兵

五萬謀挽淮南為以安之計其寔恐陛下西顧也
伏願陛下招謀謨大臣議行間于內外守禦川陝
先次分兵收復西京等州斷李莖之糧道播劉豫之
巢穴則淮陝之兵不戰而解此臣區區之愚忠惟
陛下裁擇焉

一切見據密州草橋鎮沿海巡檢包德敦遣到海船統
制徐文下使臣關中等處到寔封文字前來偽齊投
納徐文元仔武經郎閣門宣贊舍人杞密院準備將

領見管海船六十三隻統領官兵四千三百人自定
海泛海前來深知海道沿路並無把隘可以徑犯兩
浙行在等處畫到海道圖用其 陛下駐蹕屯泊軍
馬虛是數目及小貼子稍說惟有范溫宋稔總統轄海
船數十隻已得分撥海道委是別無準備乞賜駢使
援疑拔劉豫喜其事于八月初四日作偽詔罷援徐文防禦
使兼運領萊州并以海船二十隻益其軍令通犯通
奉侯大軍淮南到日會合臣陰為 陛下患之已先

次令人陰責包德透漏事令于海道陰殺關中等匿
其偽命詔勅及不發所益舟船該來仍不許沿海引
匿透漏徐文官兵得到偽庭所有徐文見在鹽城縣
外以等淹口擺泊寔未有所歸伏望 陛下察其所
為速賜措置無使盜賊以成大患
一臣切見偽齊陰養游俠等二十餘人皆燕趙齊魯之
士有刑專其豫之風賜存第以居之目之尚義遇以
非常之禮列于公卿之上人人思效死以為偽齊益

宅疑他

厚之而不發臣維處政地亦未測其謀然其間惟有
王闕閔道張元英劄挺高勳董昌言仲虎數輩頗鯁
介宅皆泛泛不足以齒錄臣案其劄援厚常陰與之挺
交因詰其所謀事則曰意在刺宋君也且聞之流汗
浹背深恐陛下未知不得為之備也一日劄挺語
曰相執知之乎臣曰不知挺有人自兩浙携宋帝
書來云酷好黃庭堅書東宮得之默然喜曰吾以
得計矣購得近庭堅墨迹二十餘本令王導等敎學

近當在
購上

倣

翰

務在精真其意何在不久與相執別矣臣深識其意
方知賊臣欲遺劄挺鞏袖匕首微行二浙以度堅書
取媚于陛下將以肆其狂毒矣竊惟陛下法官
燕閒揮染宸翰豈宜刊刻流傳以落賊臣之手使得
忖度陛下設有大變天下何賴焉臣深痛之伏願
陛下鑒王僚之禍防烈士之奸作炳眇綿世專好
尚其人間有御書宜速斂而禁之祕于金匱之匱中
及詢諸大臣多方作備庶使奸賊挫志懾伏不能為

非而宗廟社稷有託臣雖事偽主其憂國之心如此
惟庸慈察之

榦

一臣嘗謂箭榦鏢膠舟漆與夫羽毛皮毛羊筋角鉛鐵
之屬此軍器之所資戎事之大利也自南北梗絕金
人患不能致往年已來南海巨艘大舶首尾連屬過
山東沿海州軍販賣者不可勝計而金人各于逐處
置通化貨場既且不擾火復誘之以重利此物多藏
萬數製造兵器自便于賊臣重為陛下憂之未知

火疑又

國家何以禁禁有門人獻計于臣曰南北方物有無
貨遷其利百倍法准至死亦不可防加之海道深遠
艱于覺察是彼不禁明矣如果欲陰為我 宋朝
蠲此不為須計以說金人使罷通貨場不行收貨及
以防奸細為名禁止海船此既不誘則彼自不來矣
臣甚然之遂與定議以矯金人曰竊見所置通貨場
交接海船我所得者不過羽毛等彼所獲者其利百
倍之則易彼無用之物友所以資彼利源然未必非

友疑反

大宋之謀如或不然倘有利于我彼豈不為之憚者
哉無近來海船舟船其數甚多其間豈無探我之情
者而所在口岸循習為熟恬不加慮訪聞南朝大
宋皇帝治船久矣旦暮乘風北濟不以為防則雖有
羽毛皮草委積如山曾不足以濟敗劉豫懼深以為
然急罷通貨場禁止海船金人聞之隨亦繼罷南船
多破虜掠北為魚有來者更顧陛下于出產州軍
嚴賜止絕及察臣所以用心雖死無恨臣嘗于偽庭

北當化比

之上進用舊人不志 宋德者將與興事一日李鄴
私訪臣曰 天子不念我輩乎臣曰是何言也鄴曰
獨不聞陸漸之禍乎素于國家不親職事被虜赴偽
齊不受爵以逃歸猶且殺之矣况我輩乎臣勉之曰
身服 宋德辱于叛臣如能束身以歸雖死猶榮公
何憾焉鄴曰死不敢愛但以醜惡之名終不能雪止
爾方知李鄴有異心無復懷 陛下笑臣已輕其權
伏願 陛下察諸陷沒之臣及諸駢虜之士出于不

得已咸使自新或能束身以歸者願加寵異以收山東士心臣老矣死期將至非敢務自全之謀寔恐陛下失天下之心山東官吏皆係舊人偽齊僭竊至厚舍此臣未知其何心伏惟陛下察臣愚忠不勝至願

一臣伏念何東河北之地皆以地深失援故陷腥穢而山東之地金人立一亂臣收父老心隨亦蕩平百姓非不知宋之民苟免屠戮以幸少安不得不然爾

權

而河東河北除太原真定其餘並用我宋官吏一州不過數百人懷驕推貳易于剪滅東軍但畏大鎮軍馬未敢興事而京東諸郡名雖屬偽齊其寔權出金人兩路州皆以蕃官副之惟青州童哥大師鄆州蕭願尤為凶熾臣為陛下陰用黨人不忘東德者以帥之青州以木榮鄆州以陳邦光其餘州縣長吏皆陸下舊人及出城門下側目傾耳皆願王師之來思為內應以贖前非伏望陛下念無辜

之赤子卹久辱之孤臣銳意故地提兵北顧則山東之地朝為齊而暮歸宋矣所有山東民情及所收復山東之計臣門人薛昂深知利害乞賜宣問

其疑其

右謹其如前伏念臣有心復楚常懷失國之包胥豈意事齊還類偷生之管仲加以犬馬之羞而逼桑榆之光深懼云亡不獲自盡敢以敵情之變輒通十事之端繫國安危表臣心腹伏願陛下貸其不死之咎許以自新之恩寬就有人巨君可斬取平于新室即服罪于南


輒疑輒

陽伏望 聖慈特垂 齊察臣無任瞻天望聖激切屏營之至謹奉書起居以聞臣孝純誠惶誠恐稽首頓首 貼黃臣自惟衰老累經偽庭乞還骸骨雖得罷政而劉豫敷迫不許辭遜魚私得杜充李儔書以謂前日之約得公在庭則 宋天下不勞而復如改事委之他人山東心腹官吏稍有遷除則大事去矣願公視事與 宋圖之臣不免復領尚書事益為 陛下生靈而起寔非取榮於偽齊也不知 陛下察臣否臣

益疑蓋

何亦錄

不敢欺惟天鑒之



Vertical columns of faint, mostly illegible text in black ink, likely bleed-through from the reverse side of the page.

真和榮

Vertical red text on the left edge of the page, possibly a library or collection label.

